

四庫全書

史部

欽定四庫全書

史部

資治通鑑卷一百二十一

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

膳錄監生臣劉 達

欽定四庫全書

資治通鑑卷一百二十一

宋司馬光撰

胡三省音註

宋紀三

起著雍執徐盡上章敦牂九月三年

太祖文皇帝上之中

元嘉五年春正月辛未魏京兆王黎卒荊州刺史彭

城王義康性聰察在州職事修治

治直吏翻

左光祿大夫范

泰謂司徒王弘曰天下事重權要難居卿兄弟盛滿當

深存降挹

謂弘及弟曇首皆居權要

彭城王帝之次弟宜徵還入朝

共參朝政

朝直遙翻

弘納其言時大旱疾疫弘上表引咎遜

位帝不許

秦商州刺史領澆河太守姚濬叛降河西

晉時張祚以敦煌郡為商州時敦煌屬河西熾磐蓋以濬遙領商州而守澆河也澆堅堯翻降戶江翻

秦

王熾磐以尚書焦嵩代濬帥騎三千討之

帥讀曰率騎奇寄翻

二

月嵩為吐谷渾元緒所執

魏改元神麋

麋居牙翻壯鹿也以獲神

鹿改元魏書靈徵志時定州獲白麋白麋鹿也又見于樂陵

魏平北將軍尉眷攻

夏主於上邽

尉紆勿翻

夏主退屯平涼奚斤進軍安定與丘

堆娥清軍合斤馬多疫死士卒乏糧乃深壘自固遣丘  
堆督租于民間士卒暴掠不設儆備夏主襲之堆兵敗  
以數百騎還城夏主乘勝日來城下鈔掠不得芻牧諸  
將患之監軍侍御史安頡曰鈔楚交翻將即亮翻  
監工銜翻頡戶結翻受詔  
滅賊今更為賊所困退守窮城若不為賊殺當坐法誅  
進退皆無生理而諸王公晏然曾不為計乎奚斤封宜  
城王為司

空斤曰今軍士無馬以步擊騎必無勝理當須京師救  
騎至合擊之頡曰今猛寇遊逸於外吾兵疲食盡不一

決戰則死在旦夕救騎何可待乎等于就死死戰不亦

可乎斤又以馬少為辭

騎奇寄翻少詩治翻

頡曰今飲諸將所乘

馬可得二百匹頡請募敢死之士出擊之就不能破敵

亦可以折其銳且赫連昌狷而無謀好勇而輕

狷吉縣翻好呼

到翻輕遣政翻

每自出挑戰

挑徒了翻

衆皆識之若伏兵掩擊昌可

擒也斤猶難之頡乃陰與尉眷等謀選騎待之既而夏

主來攻城頡出應之夏主自出陳前搏戰

陳請日陣

軍士識

其貌爭赴之會天大風揚塵晝昏夏主敗走頡追之夏

主馬蹶而墜遂擒之

考異曰十六國春秋鈔云承光三年五月戰于黑渠為魏所敗昌

與數千騎奔還魏追騎亦至昌河內公費連烏提守高平徙諸城民七萬戶于安定以都之四年二月魏軍至安定三城潰昌奔秦州魏東平公娥清追擒之送于魏與後魏紀傳不同今從後魏書

頡同之子

也

安同永興初八公之一也

夏大將軍領司徒平原王定收其餘衆

數萬奔還平涼即皇帝位

定小字直犢夏王勃勃第五子

大赦改元勝

光三月辛巳赫連昌至平城魏主館之於西宮門內器

用皆給乘輿之副又以妹始平公主妻之

乘繩證翻妻七細翻

假

常忠將軍賜爵會稽公

會公外翻

以安頡為建節將軍賜爵

西平公尉眷為寧北將軍進爵漁陽公魏主常使赫連

昌侍從左右

從才用翻

與之單騎共逐鹿深入山澗昌素有

勇名諸將咸以為不可魏主曰天命有在亦何所懼親

遇如初奚斤自以為元帥而昌為偏裨所擒深恥之乃

捨輜重

重直龍翻下同

齎三日糧追夏主於平涼城清欲循水

而往

清蓋欲循涇水而進

斤不從自北道邀其走路至馬髦嶺

馬髦

山之嶺也

夏軍將遁會魏小將有罪亡歸於夏告以魏軍食

少無水

少詩治翻

夏主乃分兵邀斤前後夾擊之魏兵大潰



斤及娥清劉拔皆為夏所擒去年魏遣劉拔與斤共擊夏士卒死者

六七千人

考異曰宋索虜傳元嘉五年使大將吐伐斤西伐長安生擒赫連昌于安定封昌為公

以妹妻之昌弟定在隴上吐伐斤乘勝以騎三萬討之定伏設於隴山彈箏谷破之斬吐伐斤盡坑其衆定率衆東還復克長安燾又自攻不克乃分軍成大城而還今從後魏書丘堆守輜重在安定

聞斤敗棄輜重奔長安與高涼王禮偕奔蒲阪阪音反夏

人復取長安

復扶又翻下復勸同

魏主大怒命安頡斬丘堆代將

其衆鎮蒲阪以拒之

將即亮翻

夏四月夏主遣使請和於

魏魏主以詔諭之使降

使疏吏翻降戶江翻

壬子魏主西巡戍

午敗於河西

此君子津之西也

大赦

五月秦文昭王熾磐卒

太子暮末即位大赦改元永弘

平陸令河南成梁

平陸

縣自漢以來

屬東平郡復勸王弘遜位

復扶又翻

弘從之累表陳請帝

不得已六月庚戌以弘為衛將軍開府儀同三司 甲

寅魏主如長川

魏書帝紀泰常八年築長城於長川之南

葬秦文昭王于

武平陵廟號太祖秦王暮末以右丞相元基為侍中相

國都督中外諸軍錄尚書事以鎮軍大將軍河州牧讓

屯為驃騎大將軍

河州治枹罕乞伏氏所都驃匹妙翻騎奇寄翻下同

徵安北將

軍涼州刺史段暉為輔國大將軍御史大夫

段暉先叔  
鎮樂都

父右禁將軍千年為鎮北將軍涼州牧鎮湟河以征北  
將軍木弈干為尚書令車騎大將軍以征南將軍吉毗  
為尚書僕射衛大將軍河西王蒙遜因秦喪伐秦西平  
西平太守麴承謂之曰殿下若先取樂都則西平必為  
殿下之有苟望風請服亦明主之所疾也蒙遜乃釋西  
平攻樂都相國元基帥騎三千救樂都

元基自枹罕救  
樂都樂音洛

甫入城而河西兵至攻其外城克之絕其水道城中饑

渴死者大半東羌乞提從元基救樂都陰與河西通謀

下繩引內其兵登城者百餘人鼓譟燒門元基帥左右

奮擊河西兵乃退

帥讀曰率

初文昭王疾病謂暮末曰吾死

之後汝能保境則善矣沮渠成都為蒙遜所親重汝宜

歸之至是暮末遣使詣蒙遜許歸成都以求和

成都為秦禽事

見一百十九卷武帝永初三年沮子余翻使疏吏翻下同

蒙遜引兵還遣使入秦弔

祭暮末厚資送成都遣將軍王伐送之蒙遜猶疑之使

恢武將軍沮渠竒珍伏兵於捫天嶺執伐并其騎士三

百人以歸既而遣尚書郎王杼送伐還秦并遺暮末馬

千匹及錦罽銀繒

遺于李翻罽音計繒慈林翻

秋七月暮末遣記室

郎中馬艾如河西報聘

魏主還宮

八月復如廣甯

觀溫泉

水經註下洛縣故城魏燕州廣甯縣廣甯郡治魏土地記下洛城東南四十里有橋山山下有

溫泉泉上有祭堂彫簷華宇被于浦上石池吐泉陽陽其下炎涼代序是水灼焉無改能治百疾赴者若流復

扶又翻

柔然統升蓋可汗遣其子將萬餘騎寇魏邊

統戶骨翻

可讀從刊入聲汗音寒將即亮翻騎奇寄翻

魏主自廣甯還追之不及九月

還宮

冬十月甲辰魏主北巡壬子畋于牛川

秦涼

州牧乞伏千年嗜酒殘虐不恤政事秦王暮末遣使讓

之千年懼奔河西

奔河西王蒙遜也

暮末以叔父光祿大夫沃

陵為涼州牧鎮湟河徐州刺史王仲德遣步騎二千

伐魏濟陽陳留

濟陽縣漢晉以來屬陳留郡此時陳留郡治浚儀杜佑曰濟陽縣故城在曹州

寬句縣西南濟子禮翻

考異曰後魏紀云淮北鎮將

按南史仲德時為安北將軍徐州刺史宋書仲德傳闕

又宋書南史本紀北史本紀及宋魏諸臣列傳魏劉裕

傳宋索虜傳皆無是年王仲德等伐魏事唯後魏本紀

有之今從之

魏主還宮

魏定州丁零鮮于臺陽等二千

餘家叛入西山

魏主珪皇始二年置安州于中山天興三年改曰定州西山即曲陽西山也

州郡不能討閏月魏主遣鎮南將軍叔孫建討之 十

一月乙未朔日有食之

魏主如西河校獵

河水逕漢雲中積陵

縣西南平城在其東北故謂之西河

十二月甲申還宮

河西王蒙遜伐

秦至磐夷秦相國元基等將騎萬五千拒之蒙遜還攻

西平征虜將軍出連輔政等將騎二千救之

將即亮翻騎奇寄翻

祕書監謝靈運自以名輩才能應叅時政上唯接以

文義每侍宴談賞而已王曇首王華殷景仁名位素出

靈運下並見任遇靈運意甚不平多稱疾不朝直

不入朝不

入直也曩徒舍  
翻朝直違翻

或出郭遊行且二百里經旬不歸既無

表聞又不請急上不欲傷大臣意諷令自解靈運乃上

表陳疾上賜假令還會稽

假居訝翻  
會工外翻

而靈運遊飲自若

為法司所糾坐免官是歲師子王刹利摩訶及天竺

迦毗黎王月愛皆遣使奉表入貢表辭皆如浮屠之言

南史師子國天竺旁國也其地和適無冬夏之異五穀  
隨人種不須時節天竺有迦毗黎蘇摩黎斤陀利婆黎

等國皆事佛道刹初轄翻迦  
古牙翻又居伽翻使疏吏翻

魏鎮遠將軍平舒侯燕

鳳卒

燕鳳歷事拓  
跋代四世



六年春正月王弘上表乞解州錄以授彭城王義康

州錄

揚州及錄尚書事也

帝優詔不許癸丑以義康為侍中都督楊南

徐兗三州諸軍事司徒錄尚書事領南徐州刺史

武帝永初

二年加京口之徐州曰南徐淮北之徐州但曰徐南徐領南東海南琅邪晉陵義興南蘭陵南東莞臨淮淮陵南彭城南清河南高平南平昌南濟陰南濮陽南泰山濟陽南魯郡等郡弘與義康二府並

置佐領兵共輔朝政

佐衆佐也所謂佐吏朝直遙翻

弘既多疾且欲委

遠大權每事推讓義康

遠于願翻推吐雷翻

由是義康專摠內外

之務

為義康專摠致禍張本

又以撫軍將軍江夏王義恭為都督

荆湘等八州諸軍事荊州刺史

夏戶雅翻

以待中劉湛為南

蠻校尉行府州事帝與義恭書誡之曰天下艱難家國

事重雖曰守成實亦未易隆替安危在吾曹耳豈可不

感尋王業大懼負荷

感念致王業之艱難而尋繹為治之理也傳曰其父析薪其子不克

負荷易以鼓翻荷下可翻又音如字

汝性褊急志之所滯其欲必行

滯凝也積

也褊方緬翻

意所不存從物因改此最弊事宜念裁抑衛青

遇士大夫以禮與小人有恩西門安于矯性齊美

西門豹性

剛急常佩韋以自緩董安于性寬緩常佩弦以自警

關羽張飛任偏同弊

事見六十九卷

魏文帝黃初二年

行已舉事深宜鑒此若事異今日嗣子幼蒙

陸德明曰

蒙推也 司徒當周公之事汝不可不盡祇順之理爾

時天下安危決汝二人耳汝一月自用錢不可過三十

萬若能省此益美西楚府舍畧所諳究

諳烏舍翻

計當不須

改作日求新異

江左謂荊州為西楚

凡訊獄多決當時難可逆慮

此實為難至訊日虛懷博盡慎無以喜怒加人能擇善

者而從之美自歸已不可專意自決以矜獨斷之明也

斷丁亂翻

名器深宜慎惜不可妄以假人昵近爵賜尤應裁

量吾于左右雖為少恩

昵尼質翻量音良少詩治翻

如聞外論不以

為非也以貴凌物物不服以威加人人不厭此易達事

耳

易以鼓翻

聲樂嬉遊不宜令過蒲酒漁獵一切勿為

蒲樗也

供用奉身皆有節度奇服異器不宜興長

長丁丈翻今知兩翻

又

宜數引見佐史

佐史當作佐吏晉宋之間藩府率謂參佐為佐吏數所角翻下同

見

不數則彼我不親不親無因得盡人情人情不盡復何

由知衆事也

詳觀宋文帝此書則江左之治稱元嘉良有以也復扶又翻

夏酒泉

公雋自平涼犇魏

丁零鮮于臺陽等請降於魏

降戶江翻

魏主赦之

赦其去年叛入西山之罪

秦出連輔政等未至西平河

西王蒙遜拔西平執太守麴承

蒙遜去年攻西平

二月秦王

暮末立妃梁氏為皇后子萬載為太子 三月丁巳立

皇子劼為太子戊午大赦

辛酉以左衛將軍殷景仁

為中領軍帝以章太后早亡

章太后胡氏生帝五年被謫賜死帝即位諡曰章

奉太后所生蘇氏甚謹蘇氏卒帝往臨哭欲追加封爵

使羣臣議之景仁以為古典無之乃止 初秦尚書隴

西辛進從文昭王遊陵霄觀彈飛鳥誤中秦王暮末之

母傷其面

觀古玩翻  
中竹仲翻

及暮末即位問母面傷之由母以

狀告暮末怒殺進井其五族二十七人

史言暮末  
以虐亡國

夏

四月癸亥以尚書左僕射王敬弘為尚書令臨川王義

慶為左僕射吏部尚書濟陽江夷為右僕射

濟子  
禮翻

初

魏太祖命尚書鄧淵撰國記十餘卷未成而止世祖更

命崔浩與中書侍郎鄧穎等續成之

為浩以史事  
得禍張本

為國

書三十卷穎淵之子也

魏主將擊柔然治兵于南郊

治直  
之翻

先祭天然後部勒行陳

行戶剛翻  
陳讀曰陣

內外羣臣皆不

欲行保太后固止之獨崔浩勸之尚書令劉縉等共推

太史令張淵徐辯使言于魏主曰今茲己巳三陰之歲

干以甲丙戊庚壬為陽乙丁己辛癸為陰支以子寅辰午申戌為陽丑卯巳未酉亥為陰己巳皆陰而干支合于己巳是為三陰之歲

歲星襲月太白在西方不可舉兵北伐必

敗雖克不利于上羣臣因共贊之曰淵等少時嘗諫苻

堅南伐堅不從而敗所言無不中不可違也

少詩治翻中竹仲翻

魏主意不快詔浩與淵等論難于前

難乃旦翻

浩詰淵辯曰

陽為德陰為刑故日食脩德月食脩刑夫王者用刑小

則肆諸市朝大則陳諸原野

陳諸原野用甲兵也此言本出漢書刑法志詰去吉

翻朝直

今出兵以討有罪乃所以修刑也臣竊觀天文

比年以來月行掩昴至今猶然其占三年天子大破旄

頭之國

此毗至翻昴為旄頭胡星也

蠕蠕高車旄頭之衆也

蠕人願

陛下勿疑淵辯復曰

復扶又翻

蠕蠕荒外無用之物得其地

不可耕而食得其民不可臣而使輕疾無常難得而制

有何汲汲而勞士馬以伐之浩曰淵辯言天道猶是其

職至于人事形勢尤非其所知此乃漢世常談

自韓安國主父



偃至于嚴尤其論皆如此

施之于今殊不合事宜何則蠕蠕本國家

北邊之臣中間叛去

見一百八卷晉孝武太元十九年

今誅其元惡收

其良民令復舊役非無用也世人皆謂淵辯通解數術

明決成敗臣請試問之

解戶買翻

屬者統萬未亡之前

屬之欲翻

有無敗徵若其不知是無術也知而不言是不忠也時

赫連昌在坐

坐但卧翻

淵等自以未嘗有言慙不能對魏主

大悅既罷公卿或尤浩曰今南寇方伺國隙

伺相吏翻

而捨

之北伐若蠕蠕遠遁前無所獲後有彊寇將何以待之

浩曰不然今不先破蠕蠕則無以待南寇南人聞國家

克統萬以來內懷恐懼故揚聲動衆以衛淮北比吾破

蠕蠕往還之間南寇必不動也

比必寐翻

且彼步我騎

騎奇寄翻

彼能北來我亦南往在彼甚困於我未勞況南北殊俗

水陸異宜設使國家與之河南彼亦不能守也

崔浩之料宋人

審矣帝後屢出兵爭河南卒以自弊吳呂蒙不肯取魏徐州正慮此耳

何以言之以劉裕

之雄傑吞併關中留其愛子輔以良將精兵數萬猶不

能守全軍覆沒

市見一百十八卷晉安帝義熙十四年將即亮翻下同

號哭之聲

至今未已

號戶高翻

況義隆今日君臣非裕時之比主上英

武士馬精彊彼若果來譬如以駒犢鬪虎狼也

馬子曰駒牛子

曰何懼之有蠕蠕恃其絕遠謂國家力不能制自寬日

久故夏則散衆放畜秋肥乃聚背寒向溫

背蒲妹翻

南來寇

鈔

鈔楚交翻

今掩其不備必望塵駭散壯馬護牝牝馬戀駒

驅馳難制不得水草不過數日必聚而困弊可一舉而

滅也暨勞永逸時不可失

暨與暫同

患在上無此意今上意

已決奈何止之寇譙之謂浩曰蠕蠕果可克乎浩曰必

克但恐諸將瑣瑣前後顧慮不能乘勝深入使不全舉

耳

瑣瑣細小也言志趣細小不能一舉而全取之也

先是帝因魏使者還告魏

主曰汝趣歸我河南地

先悉薦翻使疏吏翻趣讀曰促

不然將盡我將

士之力魏主方議伐柔然聞之大笑謂公卿曰龜鼈小

豎

東南澤國也故詆之曰龜鼈小豎

自救不暇夫何能為就使能來若

不先滅蠕蠕乃是坐待寇至腹背受敵非良策也吾行

決矣庚寅魏主發平城使北平王長孫嵩廣陵公樓伏

連居守

守手又翻魏書官氏志獻帝次弟為伊婁氏又有乙卯婁氏後並改為婁氏

魏主自

東道向黑山使平陽王長孫翰自西道向大娥山同會

柔然之庭 五月壬辰朔日有食之 王敬弘固讓尚

書令表求還東

還從宣翻又  
如字下同

癸巳更以敬弘為侍中特

進左光祿大夫聽其東歸

自建康歸會  
稽為東歸

丁未魏主至

漠南捨輜重帥輕騎兼馬襲擊柔然至栗水

重直用翻  
帥讀曰率

騎奇寄翻兼馬者每一騎兼有副馬也栗水  
在漠北近稽落山有漢將軍竇憲故壘在焉

柔然紇升

蓋可汗先不設備民畜滿野驚怖散去

訖下沒翻可從  
刊入聲汗音寒

怖普  
布翻

莫相收攝

攝錄也  
飭整也

紇升蓋燒廬舍絕迹西走莫知

所之其弟匹黎先主東部聞有魏寇帥衆欲就其兄遇

長孫翰翰邀擊大破之殺其大人數百 夏主欲復取

統萬引兵東至侯尼城侯尼城在平涼東不敢進而還 河西

王蒙遜伐秦秦王暮末留相國元基守枹罕遷保定連

南安太守翟承伯等據罕開谷以應河西水經注隴西白石縣東有

罕開溪又東則枹罕縣故城枹音膚開苦堅翻暮末擊破之進至治城魏收地

州東陘郡有治城縣其地當在黃河西安太守莫者幼

眷據汧川以叛此汧川非扶風之汧當亦在枹罕左右汧口堅翻暮末討之為

幼眷所敗

敗補邁翻

還于定連蒙遜至枹罕遣世子興國進

攻定連六月暮末逆擊興國于治城擒之追擊蒙遜至

譚郊吐谷渾王慕璿遣其弟沒利延將騎五千會蒙遜

伐秦

沒利延即慕利延沒慕聲相近也璿古回翻

暮末遣輔國大將軍段暉

等邀擊大破之

柔然統升蓋可汗既走部落四散竄

伏山谷雜畜布野

畜許救翻

無人收視魏主循粟水西行至

菟園水

菟園水在燕然山南去平城三千七百餘里菟同都翻又土故翻

分軍搜討東

西五千里南北三千里俘斬甚衆高車諸部乘魏兵勢

鈔掠柔然種類前後降魏者三十餘萬落

鈔楚交  
翻種章

勇翻降戶

江翻下同

獲戎馬百餘萬匹畜產車廬彌漫山澤亡慮

數百萬

亡無  
字通

魏主循弱水西行至涿邪山

邪讀  
日耶

諸將慮

深入有伏兵勸魏主留止寇讓之以崔浩之言告魏主

魏主不從秋七月引兵東還至黑山以所獲班賜將士

有差既而得降人言可汗先被病

被皮  
義翻

聞魏兵至不知

所為乃焚穹廬以車自載將數百人入南山民畜窘聚

無人統領

窘渠  
隕翻

相去百八十里追兵不至乃徐西遁唯



此得免後聞涼州賈胡言若復前行二日則盡滅之矣

賈音古復  
扶又翻

魏王深悔之紇升蓋可汗憤悵而卒子吳提

立號敕連可汗

魏收曰敕連  
魏言神聖也

武都孝昭王楊玄疾病

欲以國授其弟難當難當固辭請立玄子保宗而輔之

玄許之玄卒保宗立難當妻姚氏勸難當自立難當乃

廢保宗自稱都督雍涼秦三州諸軍事征西大將軍開

府儀同三司秦州刺史武都王

為後保宗難當爭  
國張本雍於用翻

河

西王蒙遜遣使送穀三十萬斛以贖世子興國于秦

使疏

史  
翻 秦王暮末不許蒙遜乃立興國母弟菩提為世子蒙

取佛書以名其子梵言菩提華言王道也菩提薄乎翻 暮末以興國為散騎常侍

散

賈翻騎奇

寄翻下同 以其妹平昌公主妻之

妻七細翻

八月魏主至

漠南聞高車東部屯已尼陂

北史烏洛侯國西北二十日行有于已尼大水所謂

北海也烏洛侯直濡源西北已尼陂又當在其西北也

人畜甚衆去魏軍千餘里

遣左僕射安原等將萬騎擊之高車諸部迎降者數十

萬落

將即亮翻降戶江翻下同

獲馬牛羊百餘萬冬十月魏主還平

城徙柔然高車降附之民于漠南東至濡源

濡乃官翻

西暨

五原陰山三千里中使之耕牧而收其貢賦命長孫翰

劉絜安原及侍中代人古弼同鎮撫之自是魏之民間

馬牛羊及羶皮為之價賤

為于偽翻下必為同

魏主加崔浩侍中

特進撫軍大將軍以賞其謀畫之功浩善占天文常置

銅鈇於酢器中

酢與醋同倉故翻

夜有所見即以鈇畫紙作字

以記其異魏主每如浩家問以災異或倉猝不及束帶

奉進疏食不服精美

疏麤也食祥吏翻

魏主必為之舉筋或立

嘗而還

嘗口識其味也

魏主嘗引浩出入卧內從容謂浩曰卿

才智淵博事朕祖考著忠三世

從干客翻道武明元及帝為三世

故朕

引卿以自近

近其新翻

卿宜盡忠規諫勿有所隱朕雖或時

忿恚不從卿言

恚於避翻

然終久深思卿言也嘗指浩以示

新降高車渠帥曰汝曹視此人疋纖懦弱不能彎弓持

矛

疋弱也纖細也帥所類翻疋烏黃翻

然其胷中所懷乃過于兵甲朕雖

有征伐之志而不能自決前後有功皆此人所教也又

敕尚書曰凡軍國大計汝曹所不能決者皆當咨浩然

後施行 秦王幕末之弟軻殊羅烝於丈昭王左夫人

禿髮氏

下漢上曰燕

暮末知而禁之軻殊羅懼與叔父什寅

謀殺暮末奉沮渠興國以奔河西

沮子余翻

使禿髮氏盜門

鑰鑰誤門者以告暮末暮末悉收其黨殺之而赦軻殊

羅執什寅鞭之什寅曰我負汝死不負汝鞭暮末怒剗

其腹投尸于河 夏主少凶暴無賴不為世祖所知是

月畋于陰槃

少詩照翻陰槃縣漢屬安定晉屬京兆魏收地形志屬平原郡注又見前

登苛

藍山

五代志平涼郡平涼縣有苛藍山漢涇陽縣故城在平涼縣南

望統萬城泣曰先

帝若以朕承大業者宜有今日之事乎 十一月己丑

朔日有食之不盡如鉤星晝見至晡方沒河北地闇

見賢

遍翻

魏主西巡至柞山

柞則洛翻

十二月河西王蒙遜吐

谷渾王慕瓚皆遣使入貢

瓚古回翻使疏吏翻

是歲魏內都大

官中山文懿公李先青冀二州刺史安同皆卒先年九

十五

李先自燕降魏見一百八卷晉孝武太元二十一年

秦地震野草皆自反

七年春正月癸巳以吐谷渾王慕瓚為征西將軍沙州

刺史隴西公

庚子魏主還宮壬寅大赦癸卯復如廣

甯臨溫泉

復扶又翻

二月丁卯魏陽平威王長孫翰卒

戊辰魏主還宮 帝自踐位以來有恢復河南之志三

月戊子詔簡甲卒五萬給右將軍到彥之統安北將軍

王仲德兗州刺史竺靈秀舟師入河又使驍騎將軍段

宏將精騎八千直指虎牢

驍堅堯翻騎奇寄  
翻宏將即亮翻

豫州刺史

劉德武將兵一萬繼進後將軍長沙王義欣將兵三萬

監征討諸軍事

監工  
銜翻

義欣道憐之子也

道憐武  
帝之弟

先遣殿

中將軍田奇使於魏

使疏  
吏疏

告魏主曰河南舊是宋土中

為彼所侵

魏取河南見一百十九  
卷營陽王景平元年

今當脩復舊境不關

河北魏主大怒曰我生髮未燥已聞河南是我地此豈可得必若進軍今當權歛戍相避須冬寒地淨河冰堅合自更取之甲午以前南廣平太守尹冲為司州刺史

江左僑置廣平郡于襄陽宋以朝陽縣境為實土屬雍州

長沙王義欣出鎮彭城為

衆軍聲援以游擊將軍胡藩戍廣陵行府州事 壬寅

魏封赫連昌為秦王 魏有新徙敕勒千餘家苦于將

吏侵漁

將即亮翻

出怨言期以草生馬肥亡歸漠北尚書令

劉絜左僕射安原奏請及河冰未解徙之河西向春冰



解使不得北遁魏主曰此曹習俗放散日久譬如園中

之鹿急則奔突緩之自定吾區處自有道不煩徙也

處昌

呂翻絮等固請不已乃聽分徙三萬餘落于河西西至白

鹽池

五原郡有白鹽池黑鹽池唐置鹽州以此得名

敕勒皆驚駭曰圍我于河

西欲殺我也

圖其卷翻又其權翻

謀西奔涼州劉絮屯五原河北

水經注河水自朔方屈南過五原縣西

安原屯悅拔城以備之癸卯敕勒

數千騎叛北走絮追討之走者無食相枕而死

枕之任翻

魏南邊諸將

將即亮翻下同

表稱宋人大嚴將入寇請兵三萬

先其未發逆擊之

先悉薦翻

足以挫其銳氣使不敢深入因

請悉誅河北流民在境上者以絕其鄉導

鄉讀日嚮

魏主使

公卿議之皆以為當然

當然猶言當如此也

崔浩曰不可南方下

濕

天地之性西北高而東南下故東南之地卑濕沮洳

入夏之後水潦方降草木

蒙密地氣鬱蒸易生疾癘不可行師且彼既嚴備則城

守必固

易以政翻守式又翻下戌守同

留屯久攻則糧運不繼分軍四

掠則衆力單寡無以應敵以今擊之未見其利彼若果

能北來宜待其勞倦秋涼馬肥因敵取食徐往擊之此

萬全之計也朝廷羣臣及西北守將從陛下征伐西平

赫連

事見上卷四年

北破蠕蠕

事見上年

多獲美女珍寶牛馬成羣

南邊諸將聞而慕之亦欲南鈔以取資財

鈔楚交翻

皆營私

計為國生事不可從也魏主乃止諸將復表南寇已至

為于偽翻復扶又翻乃復復叛同

所部兵少

少詩治翻

乞簡幽州以南勁兵

助已戍守及就漳水造船嚴備以拒之

欲就漳水造船分布河津以備

宋也公卿皆以為宜如所請并署司馬楚之魯軌韓延之

等為將帥使招誘南人

將即亮翻帥所類翻誘音酉

浩曰非長策也

楚之等皆彼所畏忌今聞國家悉發幽州以南精兵大

造舟艦隨以輕騎

艦戶黯翻  
騎奇寄翻

謂國家欲存立司馬氏誅

除劉宗必舉國震駭懼於滅亡當悉發精銳并心竭力

以死爭之則我南邊諸將無以禦之今公卿欲以威力

却敵乃所以速之也張虛聲而名實害此之謂矣故楚

之之徒往則彼來止則彼息其勢然也且楚之等皆纖

利小才止能招合輕薄無賴而不能成大功徒使國家

兵連禍結而已昔魯執說姚興以取荊州至則敗散

見事

一百十七卷晉安帝義熙十二年說翰苒翻

為蠻人掠賣為奴終于禍及姚

泓此已然之效也魏主未以為然浩乃復陳天時

復扶又翻

以為南方舉兵必不利曰今茲害氣在揚州一也庚午

自刑先發者傷二也

揚州於辰在丑而是歲在午丑為金庫午為火旺以火害金故害氣

在揚州歲在庚午庚金也午火也以火尅金故為自刑

日食晝晦宿值斗牛三也

熒惑伏于翼軫主亂及喪四也太白未出進兵者敗五

也

去年十一月朔日食於星紀之分宿值斗牛熒惑罰星也所居之宿國受殃為死喪寇亂翼軫楚之分野

屬荊州太白未出不利進兵太白兵象也宿音秀

夫興國之君先脩人事次進

地利後觀天時故萬舉萬全今劉義隆新造之國人事

未洽災變屢見

見賢  
遍翻

天時不協舟行水涸地利不盡三

者無一可而義隆行之必敗無疑魏主不能違衆言乃

詔冀定相三州造船三千艘

魏道武帝天興四年置  
相州於鄴相息亮翻

簡

幽州以南戍兵集河上以備之秦乞伏什寅母弟前

將軍白養鎮衛將軍去列以什寅之死有怨言秦王暮

末皆殺之

暮未淫刑以逞衆  
叛親離不亡得乎

夏四月甲子魏主如雲

中勅勒萬餘落復叛走

復扶  
又翻

魏主使尚書封鐵追討

滅之 六月己卯以氐王楊難當為冠軍將軍秦州刺

史武都王

冠古  
玩翻

魏主使平南大將軍丹陽王大毗屯

河上以司馬楚之為安南大將軍封琅邪王屯潁川以

備宋 吐谷渾王慕瑣將其衆萬八千襲秦定連

瑣古  
回翻

將即  
亮翻

秦輔國大將軍段暉等擊走之 到彥之自淮入

泗水滲

滲所禁翻說文  
曰水下澆為滲

日行纔十里自四月至秋七月

始至須昌

須昌縣前漢屬東郡後漢晉屬東平郡杜佑  
曰鄆州古須句國漢為東平國地治須昌縣

漢無鹽故城在今縣東  
東平國故城亦在縣東

乃泝河西上

上時  
掌翻

魏主以河南

四鎮兵少命諸軍悉收衆北渡

四鎮金塘虎牢滑臺碣磈少詩治翻

戊子

魏碣磈戍兵棄城去戊戌滑臺戍兵亦去庚子魏主以

大鴻臚陽平公杜超為都督冀定相三州諸軍事太宰

進爵陽平王鎮鄴為諸軍節度超密太后之兄也

臚陵如翻

冀州漢末所置治信都定州春秋鮮虞國戰國為中山國後燕慕容氏都中山後魏道武帝滅之於中山置安州天興三年改定州相州春秋晉東陽之地戰國時為魏之鄴邑晉時趙王石虎自襄國徙都之魏道武滅後燕至鄴欲立州訪於羣下對者曰昔河竇甲居相宜曰相州道武從之庚戌魏洛陽虎牢

戍兵皆棄城去到彥之留朱脩之守滑臺尹冲守虎牢



建武將軍杜驥守金墉驥預之玄孫也

晉初杜預有平吳之功

諸

軍進屯靈昌津列守南岸至于潼關於是司兗既平諸

軍皆喜王仲德獨有憂色曰諸賢不諳北土情偽

諸鳥南翻

必墮其計胡虜雖仁義不足而凶狡有餘今歛戍北歸

必并力完聚若河冰既合將復南來豈可不以為憂乎

復扶又翻

甲寅林邑王范陽邁遣使入貢

使疏吏翻

自陳與交

州不睦乞蒙恕宥

林邑自范奴文以來世與交州交兵

八月魏主遣冠

軍將軍安頡督護諸軍擊到彥之

冠古玩翻頡尸結翻

丙寅彥之

遣裨將吳興姚聳夫渡河攻冶坂與頡戰

將即亮翻

聳夫兵

敗死者甚衆戊寅魏主遣征西大將軍長孫道生會丹

楊王大毗屯河上以禦彥之

燕太祖寢疾

燕主跋也

召中

書監申秀侍中陽哲於內殿屬以後事

屬之欲翻

九月病甚

輦而臨軒命太子翼攝國事勒兵聽政以備非常宋夫

人欲立其子受居惡翼聽政謂翼曰上疾將瘳奈何遽

欲代父臨天下乎翼性仁弱遂還東宮日三往省疾宋

夫人矯詔絕內外遣閹寺傳問而已

省悉景翻鄭康成曰閹人司晨昏以

啟閉者寺之言侍也

翼及諸子大臣並不得見

見賢通翻

唯中給事胡

福獨得出入專掌禁衛福慮宋夫人遂成其謀乃言于

司徒錄尚書事中山公弘弘與壯士數十人被甲入禁

中

被皮義翻

宿衛皆不戰而散宋夫人命閉東閣弘家僮庫

斗頭勁捷有勇力踰閣而入至于皇堂射殺女御一人

射而亦翻鄭康成曰女御所謂御妻御猶進也侍也

太祖驚懼而殂弘遂即天王

位

弘字文通踐之少弟

遣人巡城告曰天降凶禍大行崩背

背蒲妹翻

太子不侍疾羣公不奔喪疑有逆謀社稷將危吾備介

弟之親

介大也

遂攝大位以寧國家百官扣門入者進陛

二等

陞階級也謂進階也

太子翼帥東官兵出戰而敗兵皆潰去

弘遣使賜翼死

帥讀曰率使疏吏翻

太祖有子百餘人弘皆殺之

諡太祖曰文成皇帝墓長谷陵 己丑夏主遣其弟謂

以代伐魏廊城

廊城在漢上郡界魏後置巢城郡隋改曰廊城讀與軟同

魏平西將

軍始平公隗歸等擊之

隗五罪翻

殺萬餘人謂以代遁去夏

主自將數萬人邀擊隗歸于廊城東

將即亮翻

留其弟上谷

公社于廣陽公度洛孤守平涼遣使來求和

使疏吏翻

約合

兵滅魏遙分河北自恒山以東屬宋以西屬夏

恒戶登翻魏

主聞之治兵將伐夏

治直之翻

羣臣咸曰劉義隆兵猶在河

中

言在河之中流

捨之西行前寇未必可克而義隆乘虛濟河

則失山東矣

此山東謂太行恒山以東即河北之地

魏主以問崔浩對曰

義隆與赫連定遙相招引以虛聲唱和

和戶卧翻

共窺大國

義隆望定進定待義隆前皆莫敢先入譬如連雞不得

俱飛無能為害也臣始謂義隆軍來當屯止河中兩道

北上

上時掌翻

東道向冀州西道衝鄴如此則陛下當自討

之不得徐行今則不然東西列兵徑二千里一處不得

數千形分勢弱以此觀之偉兒情見

偉尼耕翻困也弱也見賢遍翻

此

不過欲固河自守無北度意也赫連定殘根易摧

易以鼓翻

擬之必仆克定之後東出潼關席卷而前

卷讀日捲

則威震

南極江淮以北無立草矣聖策獨發非愚近所及願陞

下勿疑甲辰魏主如統萬遂襲平涼以衛兵將軍王斤

鎮蒲坂

坂音反

斤建之子也

王建佐魏主珪取中原

秦自正月不

雨至于九月民流叛者甚衆冬十月以竟陵王義宣

為南徐州刺史猶戍石頭

義宣先戍石頭而南徐州鎮京口蓋帶刺史而猶戍石頭

也

戊午立錢署鑄四銖錢 到彥之王仲德沿河置

守還保東平

東平郡時治須昌

乙亥魏安頡自委粟津濟河攻

金墉金墉不治既久

治直之翻

又無糧食杜驥欲棄城走恐

獲罪初高祖滅秦遷其鐘虞于江南

虞音巨

有大鐘没于

洛水帝使姚聳夫將千五百人往取之驥給之曰金墉

城已修完糧食亦足所乏者人耳今虜騎南渡當相與

併力禦之

將即亮翻給蕩亥翻騎奇寄翻

大功既立牽鍾未晚聳夫從

之既至見城不可守乃引去驥遂南遁丙子安頡拔洛

陽殺將士五千餘人杜驥歸言於帝曰本欲以死固守

姚聳夫及城遽走人情沮敗不可復禁

沮在呂翻復扶又翻

上大

怒誅聳夫于壽陽聳夫勇健諸偏裨莫及也魏河北諸

軍會于七女津

七女津當在東平西北岸

到彥之恐其南渡遣裨將

王蟠龍汧流奪其船杜超等擊斬之安頡與龍驤將軍

陸侯進攻虎牢

按北史陸侯當作陸侯驤思將翻

辛巳拔之尹冲及滎

陽太守清河崔模降魏

降戶江翻抗節不降投壘死按後魏書模

考異曰宋書云模



仕魏為武城男宋書悞也

秦王暮末為河西所逼遣其臣王愷烏

訥聞請迎于魏

開徒賢翻又徒見翻

魏人許以平涼安定封之暮

末乃焚城邑毀寶器帥戶萬五千東如上邽

帥讀日率考異曰

後魏乞伏國仁傳云為赫連定所逼遣烏訥等求迎末  
低胡傳云茂蔓開赫連定敗將家戶及興國東征欲移居上邽今從至高田谷

高田谷當在南安郡界未及至上邽也

給事黃門

侍郎郭恒謀劫沮渠興國以叛事覺暮末殺之

恒戶夏登翻

主聞暮末將至發兵拒之暮末留保南安其故地皆入

于吐谷渾

自苑川至西平抱罕皆乞伏氏故地晉孝武帝太元八年歲在癸未乞伏國仁據隴西南

安亦其地也

十一月乙酉魏主至平涼夏上谷公社干等嬰

城固守魏主使赫連昌招之不下乃使安西將軍古弼

等將兵趣安定

趣七喻翻

夏主自鄜城還安定將步騎二萬

北救平涼與弼遇弼偽退以誘之

將即亮翻騎奇寄翻誘音酉

夏主

追之魏主使高車馳擊之夏兵大敗斬首數千級夏主

還走登鵠觚原

鵠觚縣前漢屬北地後漢晉屬安定有鵠觚原唐天寶元年改曰靈臺縣屬涇

州鵠殊倫翻觚音孤

為方陳以自固

陳讀曰陣

魏兵就圍之

壬辰加

征南大將軍檀道濟都督征討諸軍事帥眾伐魏

帥讀曰率

下同甲午魏壽光侯叔孫建汝陰公長孫道生濟河而南

到彥之聞洛陽虎牢不守諸軍相繼奔敗欲引兵還殿

中將軍垣護之以書諫之以為宜使竺靈秀助朱脩之

守滑臺自帥大軍進擬河北且曰昔人有連年攻戰失

衆乏糧猶張膽爭前莫肯輕退況今青州豐穰濟漕流

通

濟子禮翻  
下入濟同

士馬飽逸威力無損若空棄滑臺坐喪成

業

喪息  
浪翻

宣朝廷受任之旨邪

受當  
作授

彥之不從護之苗之

子也

垣苗邊將也武帝西征長安令苗鎮河濟之會  
俗謂之垣苗城祖子孫三世皆著功名於邊垂

彥

之欲焚舟步走王仲德曰洛陽既陷虎牢不守自然之勢也今虜去我猶千里滑臺尚有彊兵若遽捨舟南走

士卒必散當引舟入濟至馬耳谷口更詳所宜

馬耳谷口即馬

耳彦之先有目疾至是大動且將士疾疫乃引兵自清

入濟

水經濟水東北過壽張縣西界安民亭南汶水從東北來注之注云濟水又北汶水注之戴延之所

謂清口也郭緣生述征記曰清河首受洪水北流濟或謂清即濟也禹貢濟東北會于汶今枯渠注巨澤巨澤北則清水與汶會也京相璠曰今濟北東阿東北有故清亭即春秋所謂清者也是濟水通得清之目焉亦水色清深用箕廐稱是故燕王曰吾聞南至厯城焚舟棄

齊有清濟濁河以為固即此水也

甲步趨彭城

趨七喻翻

竺靈秀棄須昌南奔湖陸青兗大擾

長沙王義欣在彭城將佐恐魏兵大至

將即亮翻

勸義欣委

鎮還都義欣不從魏兵攻濟南

濟南郡治歷城

濟南太守武進

蕭承之帥數百人拒之

晉武帝太康二年分丹徒曲阿立武進縣屬晉陵郡南渡後屬

南東海郡今奔牛青城萬歲諸鎮皆其地

魏衆大集承之使偃兵開城門衆

曰賊衆我寡奈何輕敵之甚承之曰今懸守窮城事已

危急若復示弱必為所屠唯當見彊以待之耳

復扶又翻見賢

遍翻魏人疑有伏兵遂引去

承之蕭道成之父也

魏軍圍夏主數

日斷其水草

斷丁晉翻

人馬饑渴丁酉夏主引衆下鶉觚原

魏武衛將軍丘眷擊之夏衆大潰死者萬餘人夏主中

重創單騎走

中行仲翻創初良翻騎奇寄翻

收其餘衆驅民五萬西保

上邽魏以獲夏主之弟丹楊公烏視拔武陵公禿骨及

公侯以下百餘人是日魏兵乘勝進攻安定夏東平公

乙斗棄城奔長安驅畧數千家西奔上邽 戊戌魏叔

孫建攻竺靈秀于湖陸靈秀大敗死者五千餘人建還

屯范城

即東平郡之范縣城也杜佑曰濮州范縣晉大夫士會之邑

己亥魏主如

安定庚子還臨平涼掘塹圍之

掘其月翻塹七艷翻

安慰初附赦

秦雍之民賜復七年

雍于用翻復方目翻除其賦役也

夏隴西守將降

魏

將即亮翻降戶江湖

辛丑魏安頡督諸軍攻滑臺河西王

蒙遜遣尚書郎宗舒等入貢于魏魏主與之宴執崔浩之手以示舒等曰汝所聞崔公此則是也才畧之美於今無比朕動止咨之豫陳成敗若合符契未嘗失也

魏以叔孫建都督冀青等四州諸軍事

魏未得青州也使建督諸軍經

畧之耳

魏尚書庫結帥騎五千迎秦王暮末

魏書官氏志北方諸

姓庫傳官氏後改為庫氏帥秦衛將軍吉毗以為不宜  
讀曰率下同騎奇寄翻下同

內徙暮末從之庫結引還內安諸羌萬餘人叛秦推安

南將軍督八郡諸軍事廣甯太守焦遺為主魏收地形志廣寧郡

治隴西鄯縣甯當作寧鄯縣後漢所置唐為渭州隴西縣地遺不從乃劫遺族子長

城護軍亮為主五代志平涼郡百泉縣後魏置長城郡帥眾攻南安暮末

請救于氐王楊難當難當遣將軍苻獻帥騎三千救之

暮末與之合擊諸羌諸羌潰亮奔還廣甯暮末進軍攻

之以手令與焦遺使取亮十二月遺斬亮首出降暮末



進遺號鎮國將軍秦畧陽太守弘農楊顯以郡降夏

武晉

帝分天水置畧陽郡降戶江翻下同

辛酉以長沙王義欣為豫州刺史

鎮壽陽壽陽土荒民散城郭頽敗盜賊公行義欣隨宜

經理境內安業道不拾遺城府完實遂為盛藩芍陂久

廢義欣修治隄防

治直之翻

引河水入陂溉田萬餘頃無復

旱災

引肥河之水入芍陂也復扶又翻

丁卯夏上谷公社于廣陽公

度洛孤出降魏克平涼關中侯豆代田得奚斤娥清等

獻于魏主魏主以夏主之后賜代田命斤膝行執酒以

奉代田謂斤曰全汝生者代田也賜代田爵并陞侯曹魏

置關中侯有爵未有邑猶秦漢之關內侯爵級在列侯下拓拔賞豆代田自關中侯進爵并陞侯則有邑矣而

亦非君有實土也陞音刑加散騎常侍右衛將軍領內都幢將百人

幢有帥柔然之法也魏幢將主三郎衛士直宿禁中者自侍中已下中散已上皆統之將即亮翻下同夏

長安臨晉武功守將皆走關中悉入于魏魏主畱巴東

公延普鎮安定以鎮西將軍王斤鎮長安壬申魏主東

還以奚斤為宰士使負酒食以從宰士掌膳飲以斤敗軍失身辱之也時魏

有宰官尚書宰士蓋其屬也從才用翻王斤驕矜不法信用左右調役百

姓

調徒  
弔翻

民不堪命南奔漢川者數千家魏主案治得實

斬斤以徇

治直  
之翻

右將軍到彥之安北將軍王仲德皆

下獄免官

下戶  
嫁翻

兖州刺史竺靈秀坐棄軍伏誅上見垣

護之書而善之以為北高平太守

南高平郡僑郡也屬  
南兖州北高平郡古

郡也屬兖  
州治湖陸

彥之之北伐也甲兵資實甚盛及敗還委棄

盪盡府藏武庫為之空虛

為于  
偽翻

它日上與羣臣宴有荒

外降人在坐

自南北分治各以其封畧之外  
為荒外降戶江翻坐徂卧翻

上問尚書

庫部郎顧琛庫中仗猶有幾許琛詭對有十萬人仗

魏

置尚書二十三郎庫部其一也  
掌戎器鹵簿儀仗

丑林翻

上既問而悔之得琛對

甚喜琛和之曾孫也

顧和見九十卷晉元帝大興元年

彭城王義康

與王弘並錄尚書義康意猶怏怏

怏於兩翻

欲得揚州形於

辭旨以弘弟曇首居中為上所親委愈不悅弘以老病

屢乞骸骨曇首自求吳郡上皆不許義康謂人曰王公

久病不起神州詎宜卧治

治直之翻

曇首勸弘減府中文武

之半以授義康上聽割二千人義康乃悅

曇徒舍翻

資治通鑑卷一百二十一

欽定四庫全書

資治通鑑卷一百二十二 宋 司馬光 撰

胡三省 音註

宋紀四

起重光協洽盡旃  
蒙大淵獻凡五年

太祖丈皇帝上之下

元嘉八年春正月壬午朔燕大赦改元大興 丙申檀

道濟等自清水救滑臺魏叔孫建長孫道生拒之丁酉

道濟至壽張遇魏安平公乙旃眷

魏收官氏志獻帝命  
叔父之裔為乙旃氏

道濟帥寧朔將軍王仲德驍騎將軍段宏奮擊大破之

帥讀曰率驍堅

堯翻騎奇寄翻

轉戰至高梁亭斬魏濟州刺史悉煩庫

結

魏明元帝泰常八年置濟州治礪礪城濟子禮翻

夏主擊秦將姚獻敗之

將即亮翻

貶補邁翻

遂遣其叔父北平公韋代帥衆一萬攻南安

去年暮末

城中大饑人相食秦侍中征虜將軍出連輔

政侍中右衛將軍乞伏延祚吏部尚書乞伏跋跋踰城

并夏秦王暮末窮蹙輿櫬出降

乞伏氏四主四十九年而滅魏初覲翻降戶江

翻

并沮渠興國送于上邽

興國為秦所禽見上

秦太子

卷六年沮子余翻

司直焦楷犇廣寧

太子司直掌糾劾宮僚及帥府兵  
晉志無是官當是二趙燕秦所置

泣

謂其父遺曰大人荷國寵靈

荷下可翻

居藩鎮重任今本朝

顛覆豈得不率見衆唱大義以殄寇讎

朝直遙翻  
見賢通翻

遺曰

今主上已陷賊庭吾非愛死而忘義顧以大兵追之是

趣絕其命也

趣讀  
曰促

不如擇王族之賢者奉以為主而伐

之庶有濟也楷乃築壇誓衆二旬之間赴者萬餘人會

遺病卒

卒子  
恤翻

楷不能獨舉事亡犇河西 二月戊午以

尚書右僕射江夷為湘州刺史 檀道濟等進至濟上

濟子禮  
翻下同

二十餘日間前後與魏三十餘戰道濟多捷軍

至厯城

厯城縣自漢以來屬濟南郡宋為冀州刺史治所

叔孫建等縱輕騎邀

其前後焚燒草穀

騎寄翻

道濟軍乏食不能進由是安頡

司馬楚之等得專力攻滑臺

頡戶結翻

魏主復使楚兵將軍

王慧龍助之

復扶又翻

朱脩之堅守數月糧盡與士卒熏鼠

食之辛酉魏克滑臺執脩之及東郡太守申謨

東郡自漢魏以

來治白馬白馬

滑臺之地也虜獲萬餘人謨鍾之曾孫也

申鍾見九十五卷晉

成帝咸和五年

癸酉魏主還平城大饗告廟將帥及百官皆



受賞戰士賜復十年

賞北伐柔然西伐夏南禦宋之功也將即亮翻帥所類翻復方目翻

復勿事也下復境同

於是魏南鄙大水民多饑死尚書令劉瓘言

於魏主曰自頃邊寇內侵戎車屢駕天贊聖明所在克

殄方難既平

難乃旦翻

皆蒙優錫而郡國之民雖不征討服

勤農桑以供軍國實經世之大本府庫之所資今自山

以東徧遭水害應加哀矜以弘覆育

覆敷又翻下未覆同

魏主從

之復境內一歲租賦檀道濟等食盡自厯城引還軍

士有亡降魏者具告之魏人追之衆怵懼將潰

降戶江翻怵許

拱量音良少詩  
道濟夜唱籌量沙以所餘少米覆其上洛翻下同

及旦魏軍見之謂道濟資糧有餘以降者為妄而斬之

時道濟兵少魏兵甚盛騎士四合道濟命軍士皆被甲

被皮義翻已白服乘輿引兵徐出魏人以為有伏兵不敢逼

稍稍引退道濟全軍而返青州刺史蕭思話聞道濟南

歸欲委鎮保險宋青州治東陽城濟南太守蕭承之固諫不從

丁丑思話棄鎮薨平昌平昌縣前漢屬琅邪後漢屬北海晉太康地志屬城陽惠帝分

立平昌郡五代志密州膠西縣舊曰黔陬置平昌郡參軍劉振之戍下邳聞之亦

委城走魏軍竟不至而東陽積聚已為百姓所焚

積子智翻

凡指所聚之物曰積  
則去聲聚才諭翻

思話坐徵繫尚方燕王立夫人

慕容氏為王后庚戌魏安頡等還平城魏主嘉朱脩

之守節妻以宗女

為脩之自北還  
張本妻子細翻

初帝之遣到彥之也

戒之曰若北國兵動先其未至徑前入河

先悉  
薦翻

若其不

動留彭城勿進及安頡得宋俘魏主始聞其言謂公卿

曰卿輩前謂我用崔浩計為謬驚怖固諫

怖普布翻崔  
浩計見上卷

元常勝之家始皆自謂踰人至於歸終

歸終謂事  
勢究極處乃不

能及司馬楚之上疏以為諸方已平請大舉伐宋魏主

以兵久勞不許徵楚之為散騎常侍

散悉宜翻  
騎奇寄翻

以王慧

龍為滎陽太守

魏雖置滎陽太守實以虎牢為重鎮按  
魏書官氏志高宗太安三年始以諸部

護軍各為太守蓋是時唯以滎陽太守命王  
慧龍至太安三年遂悉改之也守式又翻

慧龍在郡

十年農戰並脩大著聲績歸附者萬餘家帝縱反間于

魏云慧龍自以功高位下欲引宋人入寇因執司馬楚

之以叛

問古苑翻楚  
之時屯潁川

魏主聞之賜慧龍璽書曰劉義隆

畏將軍如虎欲相中害

璽斯氏翻  
中竹仲翻

朕自知之風塵之言

想不足介意帝復遣刺客呂玄伯刺之

復扶又翻

曰得慧龍

首封二百戶男賞絹千匹玄伯詐為降人

降戶江翻

求屏人

有所論慧龍疑之使人探其懷得尺刀

屏必郢翻探吐南翻

玄伯

叩頭請死慧龍曰各為其主耳釋之

偽翻為于

左右諫曰宋

人為謀未已不殺玄伯無以制將來慧龍曰死生有命

彼亦安能害我我以仁義為扞蔽又何憂乎遂捨之

史因

慧龍守榮

陽終言之

夏五月庚寅魏主如雲中

六月乙丑大

赦夏主殺乞伏暮末及其宗族五百人

夏主畏魏

人之逼擁秦民十餘萬口

秦民所得亡伏氏之民也

自治城濟河欲

擊河西王蒙遜而奪其地吐谷渾王慕璜遣蓋州刺史

慕利延寧州刺史拾虔

璜古回翻秋作沒利延

考異曰十六國春秋作沒利延拾虔今從宋書

帥騎三萬乘其半濟邀擊之執夏主定以歸

赫連氏歷三主二十

六年而滅自是中原及西北之地一歸于魏矣帥讀曰率騎奇寄翻

沮渠興國被創而死

沮子余翻被皮義翻創初良翻

拾虔樹洛干之子也

樹洛干卒於晉安帝義熙十三年

魏之邊吏獲柔然邏者二十餘人魏主賜衣服而遣

之柔然感悅閏月乙未柔然敕連可汗遣使詣魏魏主

厚禮之

遷郎佐翻  
使疏吏翻

魏主遣散騎侍郎周紹來聘

散悉  
竄翻

騎奇  
寄翻

且求昏帝依違答之

荊州刺史江夏王義恭年

寢長欲專政事長史劉湛每裁抑之遂與湛有隙

宋制  
幼王

臨州率以長史行府州事事皆決于行事

義恭欲專之而湛不可遂有隙長知兩翻

帝心重湛使人詰讓義恭且和解之

詰去  
吉翻

是時王華王曇首皆卒

卒  
子

恤  
翻領軍將軍殷景仁素與湛善白帝以時賢零落徵湛

為太子詹事加給事中叅政事以雍州刺史張邵代

湛為撫軍長史南蠻校尉頃之邵坐在雍州營私畜聚

賊滿二百四十五萬下廷尉當死

永嘉五年郃刺雍州雍於用翻

左衛

將軍謝述上表陳郃先朝舊勲

武帝討桓玄郃白父敵表獻忠款又不附劉毅

宜蒙優貸帝手詔酬納免郃官削爵土述謂其子綜曰

主上矜郃夙誠特加曲恕吾所言謬會故特見酬納耳

若此迹宣布則為侵奪主恩不可之大者也使綜對前

焚之帝後謂郃曰卿之獲免謝述有力焉秋七月己

酉魏主如河西八月乙酉河西王蒙遜遣子安周入

侍于魏吐谷渾王慕瓚遣侍郎謝太寧奉表于魏請



送赫連定已丑魏以慕瓚為大將軍西秦王

瓚古  
回翻

左

僕射臨川王義慶固求解職甲辰以義慶為中書令丹

陽尹如故九月癸丑魏主還宮庚申加太尉長孫嵩

柱國大將軍

柱國大將  
軍始此

以左光祿大夫崔浩為司徒征

西大將軍長孫道生為司空道生性清儉一熊皮鄣泥

數十年不易

類篇馬障泥曰韞韞昌艷  
翻蜀註云遮擁泥淳也

魏主使歌工歷

頌羣臣曰智如崔浩庶若道生魏主欲選使者詣河

西崔浩薦尚書李順乃以順為太常拜河西王蒙遜為

侍中都督涼州西域羌戎諸軍事太傅行征西大將軍

涼州牧涼王王武威張掖敦煌酒泉西海金城西平七

郡

使疏吏翻王武于況翻敦徒門翻

冊曰盛衰存亡與魏升降北盡窮

髮南極庸嶠西被崑嶺東至河曲

經典釋文司馬曰窮駿北極之下無毛之

地也按毛草也地理書云山以草木為髮庸魏興上庸之地崑嶠山也崑嶺謂崑崙河曲朔方之河曲也崑與

崑同被皮義翻

王實征之以夾輔皇室置將相羣卿百官承制

假授建天子旌旗出入警蹕如漢初諸侯王故事壬

申魏主詔曰今二寇摧殄將偃武修文理廢職舉逸民

范陽盧玄博陵崔綽趙郡李靈河間邢穎勃海高允廣

平游雅太原張偉等皆賢雋之胄冠冕周邦

周當作州

易曰

我有好爵吾與爾縻之

易中字九二文辭

如玄之比者盡敕州

郡以禮發遣遂徵玄等及州郡所遣至者數百人差次

叙用崔綽以母老固辭玄等皆拜中書博士玄謚之曾

孫

晉永嘉之後盧謚展轉于石氏之間冉閔之敗遂死於兵謚氏士翻

靈順之從父兄也

從才用翻

玄舅崔浩每與玄言輒歎曰對子真使我懷古之

情更深

盧玄字子真

浩欲大整流品明辨姓族玄止之曰夫

創制立事各有其時樂為此者詎有幾人宜加三思

樂音

洛三息  
暫翻

浩不從由是得罪于衆初魏昭成帝始制法

令

什翼犍諡  
昭成帝

反逆者族其餘當死者聽入金馬贖罪殺

人者聽與死家牛馬墓具以平之盜官物一備五私物

一備十

備陪償也今  
人多云陪備

四部大人共坐王庭決辭訟無繫

訊連逮之苦境內安之太祖入中原

道武帝廟  
號太祖

患前代

律令峻密命三公郎王德刪定務崇簡易

事見一百十  
卷晉安帝隆

安二年易  
以鼓翻

季年被疾刑罰濫酷

事見一百十一卷晉安  
帝隆安四年被皮義翻

太宗承之吏文亦深

明元帝廟號太祖

冬十月戊寅世祖命崔

浩更定律令除五歲四歲刑增一年刑巫蠱者負殺羊

抱犬沈諸淵

殺果五翻說文夏羊非曰殺一說殺羴羊也沈持林翻

初令官階九

品者得以官爵除刑

漢官以石秩為差魏晉始定品秩之次

婦人當刑而

孕產後百日乃決闕左懸登聞鼓以達寃人

禹令有獄訟者搖鞀

周禮左嘉石以平罷民皆所以達幽枉也登聞鼓令負寃者得詣闕撾鼓登時上聞也

魏主如

漠南十一月丙辰北部敕勒莫弗庫若干

高車酋長謂之莫弗

異曰後魏書北史本紀皆作敕勒鄧淵傳皆作高車按高車即敕勒別名也

帥所部數萬騎

驅鹿數百萬頭詣魏主行在

帥讀曰率  
騎奇寄翻

魏主大獵以賜

從官

從才  
用翻

十二月丁丑還宮

是歲涼王改元義和

林邑王范陽邁寇九德交州兵擊却之

九德郡古越裳  
氏國隋唐為驩

州

九年春正月丙午魏主尊保太后竇氏為皇太后

尊保  
母為

母非  
禮也

立貴人赫連氏為皇后子晃為皇太子大赦改元

延和 燕王立慕容后之子王仁為太子 三月庚戌

衛將軍王弘進位太保加中書監丁巳征南大將軍檀

道濟進位司空還鎮尋陽

道濟自歷城還師至建康復使之還鎮尋陽

壬

申吐谷渾王慕瓚送赫連定于魏魏人殺之慕瓚上表

曰臣俘擒僭逆獻捷王府爵秩雖崇而土不增廓車旗

既飾而財不周賞願垂鑒察魏主下其議

下戶嫁翻

公卿以

為慕瓚所致唯定而已塞外之民皆為已有而貪求無

厭不可許也

厭於鹽翻

魏主乃詔曰西秦王所得金城枹罕

隴西之地

枹音膚

朕即與之乃是裂土何須復廓

復扶又翻

西

秦欵至綿絹隨使疏數臨時增益非一賜而止也

使疎吏翻

下同疏與疎同數所角翻

自是慕璣貢使至魏者稍簡魏方士祁

纖奏改代為萬年代尹為萬年尹以代令為萬年令崔

浩曰昔太祖應天受命兼稱代魏以法殷商

帝嘗都亳子契受封

于商自契至湯八遷湯始都亳從先王居謂之亳殷故兼稱殷商

國家積德當享年萬

億不待假名以為益也纖之所聞皆非正義宜復舊號

魏主從之夏五月壬申華容文昭公王弘卒弘明敏

有思致而輕率少威儀性褊隘好折辱人人以此少之

思相吏翻少詩沼翻褊方緬翻好呼到翻折之舌翻

雖貴顯不營財利及卒家無



餘業帝聞之特賜錢百萬米千斛 魏主治兵于南郊

謀伐燕

治直之翻

帝遣使者趙道生聘于魏 六月戊寅

司徒南徐州刺史彭城王義康改領揚州刺史

王弘卒義康始

領揚

詔分青州置冀州

宋冀州領廣川平原清河樂陵魏郡河間頓丘高陽勃海

九郡皆僑置於河濟間

治厯城 吐谷渾王慕瑱遣其司馬趙叙

入貢且來告捷

告擒赫連定之捷也瑱古田翻

庚寅魏主伐燕命太

子晃錄尚書事時晃纔五歲又遣左僕射安原建寧王

崇等屯漠南以備柔然 辛卯魏主遣散騎常侍鄧穎

來聘 乙未以吐谷渾王慕瓚為都督西秦河沙三州

諸軍事征西大將軍西秦河二州刺史進爵隴西王且

命慕瓚悉歸南方將士先沒於夏者得百五十餘人

劉義

真之賊沒于夏者

又加北秦州刺史楊難當征西將軍難當以

兄子保宗為鎮南將軍鎮宕昌

宕昌隋唐為宕州之地宕徒浪翻

以其

子順為秦州刺史守上邽保宗謀襲難當事泄難當囚

之 壬寅以江夏王義恭為都督南兖等六州諸軍事

開府儀同三司南兖州刺史臨川王義慶為都督荆雍

等七州諸軍事荊州刺史

雍於用翻

竟陵王義宣為中書監

衡陽王義季為南徐州刺史初高祖以荊州居上流之

重土地廣遠資實兵甲居朝廷之半故遺詔令諸子居

之上以義慶宗室令美且烈武王有大功于社稷

臨川王道

規諡烈武王

故特用之

秋七月己未魏主至濡水

水經濡水自塞

外來過遼西令支肥如海陽等縣而入于海濡乃官翻

庚申遣安東將軍奚斤發

幽州民及密雲丁零萬餘人

魏收曰道武帝始二年置密雲郡密雲縣治提攜

城本漢斥奚縣地孟康曰斥音題

運攻具出南道會和龍魏主至遼西

燕王遣其侍御史崔聘奉牛酒犒師已巳魏主至和龍

庚午以領軍將軍殷景仁為尚書僕射太子詹事劉

湛為領軍將軍益州刺史劉道濟粹之弟也信任長

史費謙別駕張熙等聚飲興利費扶沸翻傷政害民立官治

禁民鼓鑄而貴賣鐵器商賈失業吁嗟滿路飲力膽翻賈音古

流民許穆之變姓名稱司馬飛龍自云晉室近親往依

氏王楊難當難當因民之怨資飛龍以兵使侵擾益州

飛龍招合蜀人得十餘人攻殺巴興令沈約曰巴興令徐志不註置立

疑李氏所立屬遂寧郡宋白曰晉永初十一年置巴興縣西魏改曰長江縣唐屬遂州 逐陰平太

守

晉孝武帝泰始中置陰平郡至武帝永初間又分為南陰平北陰平此南陰平也隋併南陰平入維縣宋

白曰文州古陰平也戰國氏羌所據漢為陰平道魏晉為陰平郡陰平縣永嘉末太守王鑒以郡降李雄晉人於是悉流移於蜀漢其氏羌並屬楊茂搜此郡不復預受正朔故南史諸志悉無所錄其晉人流寓於蜀者仍於益州立南北二陰平今劍州陰平縣益州之北陰平郡也 道濟

遣軍擊斬之道濟欲以五城人帛氏奴梁顯為參軍督

護

孫愐曰帛姓也

費護固執不與氏奴等與鄉人趙廣構扇縣

人詐言司馬殿下猶在陽泉山中聚衆得數千人引向

廣漢

沈約曰蜀分縣行立陽泉縣屬廣漢郡隋復併入縣行

道濟叅軍程展會治

中李抗之將五百人擊之皆敗死巴西人唐頻聚眾應

之趙廣等進攻涪城陷之

將即亮翻涪音浮

於是涪陵江陽遂

寧諸郡守皆棄城走蜀土僑舊俱反

沈約曰遂寧郡永初郡國志有之疑

晉末分廣漢所立唐為遂州守手又翻下太守同

燕石城太守李崇等十郡

降于魏

石城縣前漢屬右北平燕分置石城郡魏真君八年置建德郡於白狼以石城為縣屬焉降戶

江魏主發其民三萬穿圍塹以守和龍崇績之子也

李績

見一百卷晉穆帝升平四年塹七艷翻

八月燕王使數萬人出戰魏昌黎

公丘等擊破之

公丘之下  
當有漏字

死者萬餘人燕尚書高紹帥

萬餘家保羌胡固

帥讀  
曰率

辛巳魏主攻紹斬之平東將軍

賀多羅攻帶方撫軍大將軍永昌王健攻建德驃騎大

將軍樂平王丕攻冀陽皆拔之九月乙卯魏主引兵西

還徙營丘成周遼東樂浪帶方玄菟六郡民三萬家於

幽州

五代志曰後魏置營州於和龍城領建德冀陽遼  
東樂浪營丘等郡龍城大興永樂帶方定荒石城

廣都陽武襄平新昌平剛柳城富平等縣蓋燕國自慕容以來分置郡縣於遼西其後或省或併為郡為縣皆不可攷如玄菟郡亦當置於遼西也驃匹

妙翻騎奇寄翻樂浪音洛琅范同都翻

燕尚書郭淵

勸燕王送款獻女於魏乞為附庸燕王曰負豐在前結

忿已深降附取死不如守志更圖也

豐許觀翻降戶江翻

魏主之

圍和龍也宿衛之士多在戰陳

陳與陣同

行宮人少雲中鎮

將朱脩之謀與南人襲殺魏主因入和龍浮海南歸以

告冠軍將軍毛脩之毛脩之不從乃止

少詩治翻將即亮翻冠古玩翻

既而事泄朱脩之逃奔燕魏人數伐燕

數所角翻

燕王遣脩

之南歸求救脩之汎海至東萊遂還建康拜黃門侍郎

趙廣等進攻成都劉道濟嬰城自守賊衆屯聚日久



不見司馬飛龍欲散去廣懼將三千人及羽儀詣陽泉

寺

以羽為儀故曰羽儀

詐云迎飛龍至則謂道人枹罕程道養曰

枹音膚

汝但自言是飛龍則坐享富貴不則斷頭

斷丁管翻

養惶怖許諾

怖普布翻

廣乃推道養為蜀王車騎大將軍並

梁二州牧改元泰始備置百官以道養弟道助為驃騎

將軍長沙王鎮涪城趙廣帛氏奴梁顯及其黨張尋嚴

遐皆為將軍奉道養還成都衆至十餘萬四面圍城使

人謂道濟曰但送費謨張熙來我輩自解去道濟遣中

兵叅軍裴方明任浪之各將千餘人出戰皆敗還

任音壬

冬十一月乙巳魏主還平城 壬子以少府中山甄

法崇為益州刺史

代劉道濟也  
甄之人翻

初燕王嫡妃王氏生

長樂公崇崇於兄弟為最長

樂音洛最  
長知兩翻

及即位立慕容

氏為王后王氏不得立又黜崇使鎮肥如

燕以幽州刺史  
鎮肥如遠

西之地也

崇母弟廣平公朗樂陵公邈相謂曰今國家將亡

人無愚智皆知之王復受慕容后之譖

復扶又翻

吾兄弟死

無日矣乃相與亡奔遠西說崇使降魏崇從之會魏主

使給事郎王德招崇

給事郎北史作給事中說輸芮翻降戶江翻下同

十二月

己丑崇使邈如魏請舉郡降燕王聞之使其將封羽圍

崇於遼西

將即亮翻下同

魏主徵諸名士之未仕者州郡多

逼遣之魏主聞之下詔令守宰以禮申諭

申重也重直龍翻守式又

翻任其進退毋得逼遣初帝以少子紹為廬陵孝獻

王嗣

義真諡曰孝獻少詩照翻

以江夏王義恭子朗為營陽王嗣庾

寅封紹為廬陵王朗為南豐縣王裴方明等復出擊

程道養營破之

復扶又翻下衆復豈復順復同

焚其積聚

積子賜翻聚才諭翻

賊

黨江陽楊孟子將千餘人屯城南

江陽隋併入陽州隆山縣

叅軍梁

雋之統南樓投書說諭孟子邀使入城見劉道濟道濟

板為主簿克期討賊趙廣知其謀孟子懼將所領奔晉

原晉原太守文仲興與之同拒守趙廣遣帛氏奴攻晉

原破之

李雄分蜀郡為漢原郡晉穆帝更名晉原郡治江原縣唐為蜀州晉原縣宋白曰晉原縣本漢

江原縣地李雄立江原郡晉改為多

融縣又改晉原以縣界晉原山為名仲興孟子皆死裴

方明復出擊賊屢戰破之賊遂大潰程道養收衆得七

千人還廣漢趙廣別將五千餘人還涪城先是張熙說

道濟糶倉穀

先悉薦翻  
說輸尚翻

故自九月末圍城至十二月糧

儲俱盡方明將二千人出城求食為賊所敗

敗補  
邁翻

單馬

獨還賊衆復大集方明夜縋而上

縋馳偽翻  
上時掌翻

道濟為設

食

為于偽翻  
下微為同

涕泣不能食道濟曰卿非大丈夫小敗何

苦賊勢既衰臺兵垂至但令卿還何憂于賊即減左右

以配之賊於城外揚言云方明已死城中大恐道濟夜

列炬火出方明以示衆衆乃安道濟悉出財物於北射

堂令方明募人時城中或傳道濟已死莫有應者梁携

之說道濟遣左右給使三十餘人出外

梁携之蓋即梁偽之携字悞也

且告之曰吾病小損各聽歸家休息給使既出城中乃

安應募者日有千餘人初晉謝混上晉陵公主

晉陵公主

晉孝武之女混死

見一百十六卷晉安帝義熙八年

詔公主與謝氏絕婚公

主悉以混家事委混從子弘微

從才用翻

混仍世宰輔僮僕

千人唯有二女年數歲弘微為之紀理生業一錢尺帛

有文簿

為于偽翻

九年而高祖即位公主降號東鄉君聽還

謝氏入門室宇倉廩不異平日田疇墾闢有加于舊東

鄉君歎曰僕射平生重此子可謂知人僕射為不亡矣

混仕晉為尚書左僕射

親舊見者為之流涕是歲東鄉君卒

為子偽翻

卒子恤翻

公私咸謂貲財宜歸二女田宅僮僕應屬弘微弘

微一無所取自以私祿塋東鄉君混女夫殷叡好樛蒲

好呼到翻

聞弘微不取財物乃奪其妻妹及伯母兩姑之分

以還戲責

分扶問翻責如字又讀曰債

內人皆化弘微之讓一無所

爭或譏之曰謝氏累世財產充殷君一朝戲責理之不允莫此為大卿視而不言譬棄物江海以為麈耳設使

立清名而令家內不足亦吾所不取也弘微曰親戚爭財為鄙之甚今內人尚能無言豈可導之使爭乎分多共少不至有乏身死之後豈復見關也禿髮保周自

涼奔魏

保周奔涼見一百十六卷晉安帝義熙十年

魏封保周為張掖公

魏李順復奉使至涼

復扶又翻使疏吏翻

涼王蒙遜遣中兵校郎

楊定歸謂順曰年衰多疾腰髀不隨不堪拜伏比三五

日消息小差當相見

比必寐翻及也

順曰王之老疾朝廷所知

豈得自安不見詔使明日蒙遜延順入至庭中蒙遜箕



坐應几無動起之狀

師古曰謂伸兩脚而坐其形如箕隱於新翻

順正色大

言曰不謂此吏無禮乃至于此今不憂覆亡而敢陵侮

天地竄魄逝矣何用見之握節將出涼王使定歸追止

之曰太常既雅恕哀疾

雅素也

傳聞朝廷有不拜之詔是

以敢自安耳順曰齊桓公九合諸侯一匡天下周天子

賜胙命無下拜桓公猶不敢失臣禮下拜登受

齊桓公合諸侯

于葵丘王使宰孔賜胙齊侯將下拜孔曰天子以伯舅  
耄老加勞賜一級無下拜對曰天威不遠願咫尺小白  
余敢貪天子之命無下拜恐隕越于下以爲天子羞敢不下拜下拜登受  
今王雖功高未如

齊桓朝廷雖相崇重未有不拜之詔而遽自偃蹇此豈

社稷之福邪蒙遜乃起拜受詔使還魏主問以涼事順

曰蒙遜控制河右踰三十年

晉安帝隆安五年蒙遜殺段業纂有其國至是三十

一年經涉艱難粗識機變

粗坐五翻

綏集荒裔羣下畏服雖不

能貽厥孫謀猶足以終其一世然禮者德之輿敬者身

之基也蒙遜無禮不敬以臣觀之不復年矣

復扶又翻言其死在

夕朝魏主曰易世之後何時當滅順曰蒙遜諸子臣畧見

之皆庸才也如聞敦煌太守牧犍器性粗立

敦煌徒門翻犍居言翻

繼蒙遜者必此人也然比之於父皆云不及此殆天之

所以資聖明也

考異曰後魏書順初奉冊拜沮渠蒙遜為涼州牧即有蒙遜不拜及順使還

論收隹事南史順冊拜蒙遜還拜都督四州長安鎮都大將徵為四部尚書加常侍延和初使涼始有不拜等事今據順云不復周矣明年蒙遜死帝曰卿言蒙遜死驗矣故從南史魏主曰朕方有事

東方

謂方圖燕也

未暇西略如卿所言不過數年之外不為

晚也初罰賓沙門曇無讖自云能使鬼治病且有祕術

北史曰曇無讖自云能使鬼療病令婦人多子蜀音計曇徒舍翻讖楚諧翻治直之翻

涼王蒙遜

甚重之謂之聖人諸女及子婦皆往受術魏主聞之使

李順往徵之蒙遜留不遣仍殺之魏主由是怒涼蒙遜

荒淫猜虐羣下苦之

為魏滅涼張本

十年春正月乙卯魏主遣永昌王健督諸軍救遼西

以馮

崇被周也

已未大赦

丙寅魏以樂安王範為都督秦雍

等五州諸軍事衛大將軍開府儀同三司長安鎮都大

將

都大將又在鎮大將之上雍於用翻將即亮翻下同

魏主以範年少

少詩治翻

更選

舊德平西將軍崔徽征北大將軍鴈門張黎為之副共

鎮長安徽宏之弟也

崔宏崔浩之父也

範謙恭寬惠徽務敦大

體黎清約公平政刑簡易

易以政翻

輕徭薄賦關中遂安

二月庚午魏主以馮崇為都督幽平東夷諸軍事車騎

大將軍幽平二州收封遼西王錄其國尚書事食遼西

十郡承制假授尚書刺史征虜以下官

自征虜以下雜號將軍皆得假

授騎寄翻

魏平涼休屠征西將軍金崖

句斷屠直於翻

羌涇州

刺史狄子玉

魏置涇州于安定郡治臨涇城

與安定鎮將延普爭權崖

子玉舉兵攻普不克退保胡空谷

即胡空堡之地

魏主以虎牢

鎮大將陸侯為安定鎮大將擊崖等皆擒之魏主徵陸

侯為散騎常侍出為懷荒鎮大將

懷荒鎮魏降高車所置六鎮之一也散悉

賈翻騎

奇寄翻

末期歲高車諸莫弗訟侯嚴急無恩復請前鎮

將郎孤

復扶又翻下無復將復同

魏主徵侯還以孤代之侯既至言

于帝曰不過期年郎孤必敗高車必叛

期讀曰暮

帝怒切責

之使以建業公歸第明年諸莫弗果殺郎孤而叛帝大驚立召侯問之曰卿何以知其然也侯曰高車不知上

下之禮故臣臨之以威制之以法欲以漸訓導使知分

限

分扶問翻

而諸莫弗惡臣所為

惡烏路翻

訟臣無恩稱孤之美

臣以罪去孤獲還鎮悅其稱譽

譽音余

益收名聲專用寬

恕待之無禮之人易生驕慢

易以政翻

不過暮年無復上下

孤所不堪必將復以法裁之如此則衆心怨懟必生禍

亂矣

魏裴潛去代郡而烏桓叛事亦如此懟直類翻

帝笑曰卿身雖短思慮何

長也即日復以為散騎常侍壬午魏主如河西遣薨

散騎常侍宋宣來聘且為太子晃求婚

為于偽翻

帝依違答

之劉道濟卒梁儁之裴方明等密埋其尸於齋後詐

為道濟教命以答籤疏雖其母妻亦不知也程道養于

毀金橋登壇郊天方明將三千人出擊之

將即亮翻下同

道養

等大敗退保廣漢荊州刺史臨川王義慶以巴東太守

周籍之督巴西等五郡諸軍事將二千人救成都 三

月亡人司馬天助降於魏自稱晉會稽世子元顯之子

降戶江翻會工外翻

魏人以為青徐二州刺史東海公 壬子魏

主還宮 趙廣等自廣漢至郾

郾縣自漢以來屬蜀郡師古曰郾音疲

連

營百數周籍之與裴方明等令兵攻郾克之進擊廣等

于廣漢廣等走還涪及五城

涪音浮

夏四月戊寅始發劉



道濟喪

帝聞梁南秦二州刺史甄法護刑政不治

甄之

人翻

失氏羌之和乃自徒中起蕭思話為梁南秦二州刺

史

考異曰思話傳云揚雖當寇漢中乃用思話按本紀及氏胡傳難當寇漢中皆在十一月

法護

法崇之兄也

涼王蒙遜病甚國人共議以世子菩提

幼弱立菩提之兄敦煌太守牧犍為世子加中外都督

大將軍錄尚書事

菩提薄乎翻犍居言翻十六國春秋作茂虔後魏書紀傳作

考異曰宋書

牧犍今從之

蒙遜卒諡曰武宣王廟號太祖牧犍即河西王

位大赦改元永和立子封壇為世子加撫軍大將軍錄

尚書事遣使請命于魏收隼聰穎好學

使疏吏翻  
好呼到翻

和雅

有度量故國人立之先是魏主遣李順迎武宣王女為

夫人

先悉  
薦翻

會卒收隼稱先王遺意遣左丞宋繇送其妹

興平公主于魏拜右昭儀

李延壽曰魏主  
增置左右昭儀

魏主謂李順

曰卿言蒙遜死今則驗矣又言收隼立何其妙哉朕克

涼州亦當不遠於是賜絹千匹廐馬一乘

乘繩  
證翻

進號安

西將軍寵待彌厚政事無巨細皆與之叅議

李順以言  
中見寵待

而亦以為涼隱受誅  
為臣之不易也如此

遣順拜收隼都督涼沙河三州西

域羌戎諸軍事車騎將軍開府儀同三司涼州刺史河

西王

騎奇寄翻

以宋繇為河西王右相牧犍以無功受賞留

順上表乞安平一號

謂若安西將軍若平西將軍乞一號

優詔不許牧犍

尊敦煌劉昫為國師

敦煌徒門翻

親拜之命官屬以下皆北面

受業

五月己亥魏主如山北

武周山之北也

林邑王范陽

邁遣使入貢求領交州

使疏吏翻

詔答以道遠不許

裴方

明進軍向涪城破張尋唐頻擒程道助斬嚴遐于是趙

廣等皆奔散

六月魏永昌王健左僕射安原督諸軍

擊和龍將軍樓敷別將五千騎圍凡城

魏書官氏志內入諸姓賀樓氏

改爲樓氏將即亮翻下同

燕守將封羽以凡城降

降戶江翻下同

收其三千

餘家而還

辛巳魏人發秦雍兵一萬築小城於長安

城內

雍於用翻

秋八月馮崇上表請說降其父

說輸芮翻

魏主

不聽

九月益州刺史甄法宗至成都收費誨誅之

扶費

沸翻

程道養張尋將二千餘家逃入鄴山

廣漢郡縣之山也師古曰鄴音

妻又音于私翻

餘黨各擁衆藏竄山谷時出爲寇不絕

戊午

魏主遣兼大鴻臚崔贍持節拜氏王楊難當爲征南大

將軍開府儀同三司秦梁二州牧南秦王贖逞之子也

崔逞自燕歸魏以侮慢為魏主珪所殺贖士革翻

楊難當因蕭思話未至甄

法護將下舉兵襲梁州破白馬獲晉昌太守張範

白馬戌在

汚水北即陽平關晉桓溫平蜀以巴漢流人立晉昌郡于上庸之西

敗法護叅軍魯安期

等

敗補邁翻

又攻葭萌獲晉壽太守范延朗

晉孝武太元十五年梁州刺史

周馥表分梓潼立晉壽郡古葭萌之地也葭音家

冬十一月丁未法護棄城奔

洋川之西城

後魏方立洋川郡于漢中之西鄉縣此蓋因其地有洋水故謂之洋川洋音祥又如

字難當遂有漢中之地以其司馬趙溫為梁秦二州刺

史 甲寅魏主還宮 十一月己巳魏大赦 辛未魏

主如陰山之北 魏寧朔將軍盧玄來聘 前祕書監

謝靈運好為山澤之遊

五并靈運免官故曰前好呼到翻

窮幽極險從

者數百人

從才用翻

伐木開徑百姓驚擾以為山賊會稽太

守孟顗與靈運有隙

會工外翻顗魚豈翻

表其有異志發兵自防

靈運詣闕自陳上以為臨川內史靈運遊放自若廢棄

郡事為有司所糾是歲司徒遣使隨州從事鄭望生收

靈運

使疏吏翻望生蓋為江州從事

靈運執望生與兵逃逸作詩曰韓

亡子房奮秦帝魯連恥

靈運自以世為晉臣故賦是詩子房事見七卷秦始皇二十九

年魯連事見考異

追討擒之廷尉奏靈運率眾反叛論正斬刑

上愛其才欲免官而已彭城王義康堅執謂不宜恕乃

降死一等徙廣州久之或告靈運令人買兵器結健兒

欲于三江口篡取之不果

水經溫水出牂柯夜郎縣東至鬱林廣鬱縣為鬱水灘水

出陽海山南過蒼梧荔浦縣又南至廣信縣入于鬱封水出臨賀郡馮乘縣西牛屯山西南流入廣信縣南流

注于鬱水此蓋三水所會之地謂之三江口

詔於廣州棄市靈運恃才放逸

多所陵忽故及於禍

魏立徐州於外黃以刁雍為刺

史

雍於用翻

十一年春正月戊戌燕王遣使請和於魏

使疏吏翻

魏主不

許楊難當以克漢中告捷于魏送雍州流民七千家

於長安

雍於用翻

蕭思話至襄陽遣橫野司馬蕭承之為前

驅

思話時以橫野將軍鎮梁州以承之為司馬

承之緣道收兵得千人進據

礮頭

水經注漢水逕黃金南東流歷教頭魏興安康縣治礮教同音

楊難當焚掠漢中

引衆西還留趙溫守梁州又遣其魏興太守薛健據黃

金山思話遣陰平太守蕭坦攻鐵城戍拔之

黃金山註見七十四



卷魏邵陵厲公正始五年水經註鐵城與黃金戌相對一城在山上一城在山下

二月趙溫

薛健與其馮翊太守蒲甲子合攻坦營坦擊破之溫等

退保西水

水經註西水作酉水

臨川王義慶遣龍驤將軍裴方明

將三千人助承之

驤思將翻將即亮翻下同

拔黃金戌而據之溫棄

州城退保小城健甲子退保下桃城思話繼至與承之

共擊趙溫等屢破之行叅軍王靈濟別將出洋川攻南

城拔之

沈約曰譙縱滅梁州刺史還治漢中之苞中縣所謂南城也余考前史漢中郡無苞中縣意即

褒中縣蓋因語近而字遂訛也褒中縣在南鄭西南故謂之南城

擒其守將趙英南城

空無所資靈濟引兵還與承之合 魏主以西海公主

妻柔然敕連可汗

妻七細翻可從入聲汗音寒

又納其妹為夫人遣

潁川王提往逆之丁卯敕連遣其異母兄禿鹿傀送妹

并獻馬二千匹

傀公回翻

魏主以其妹為左昭儀提曜之子

也 辛卯魏主還宮三月甲寅復如河西

復扶又翻

楊難

當遣其子和將兵與蒲甲子等共擊蕭承之相拒四十

餘日圍承之數十重短兵接弓矢無所復施底悉衣犀

甲戈矛所不能入

重直龍翻復扶又翻下可復同衣於既翻周禮考工記犀甲壽百年以牛

皮為承之斷稍長數尺以大斧椎之一稍輒貫數人

斷

管翻稍色角  
翻長直亮翻

氏不能當燒營走據大桃閨月承之等追

擊之至南城氏敗走斬獲甚衆悉收漢中故地置戍于

葭萌水

水經註白水出臨洮縣西南西傾山東南流至  
葭萌縣北因謂之葭萌水水有津關即所謂白

水關也

初桓希既敗

希敗見一百十三卷  
晉安帝元興三年

氏王楊盛據漢

中梁州刺史范元之傳歆皆治魏興

治直之翻

唯得魏興上

庸新城三郡及索邈為刺史

見一百十六卷晉安帝  
義熙九年索普各翻

乃

治南城至是南城為氏所焚不可復固蕭思話徙鎮南

鄭

自此梁州治南鄭

甲戌赫連昌叛魏西走丙子河西侯將

格殺之

此河西五原河西也侯將斥侯將也將即亮翻

魏人并其羣弟誅之

已卯魏主還宮

辛巳燕王遣尚書高顯上表稱藩請

罪于魏

顯魚容翻

乞以季女充掖庭魏主乃許之徵其太子

王仁入朝燕王送魏使者于什門還平城

朝直遙翻使疏吏翻下同

什門在燕二十一年不屈節

什門使燕見一百十六卷晉安帝義熙十年考異

曰後魏書節義傳云什門在燕歷二十四年按後魏本紀神瑞元年八月遣于什門招諭馮跋至此年二十一

年矣若二十四年乃在太延三年而太延二年馮氏亡矣

魏主下詔褒稱以比蘇武

拜治書御史

治直之翻

賜羊千口帛千匹策告宗廟頒示天

下 戊子休屠金當川圍魏陰密

陰密縣漢晉屬安定郡魏收志屬平涼郡

括地志陰密故城在涇州鶉觚縣西屠直於翻

夏四月乙未魏征西大將軍常

山王素擊之丁未魏主行如河西壬戌獲當川斬之

甄法護坐委鎮賜死于獄

甄之翻

楊難當遣使奉表謝罪

帝下詔赦之

河西王牧犍遣使上表告嗣位戊寅詔

以牧犍為都督涼秦等四州諸軍事征西大將軍涼州

刺史河西王

犍居言翻

六月甲辰魏主還宮 燕王不遣

太子質魏

質音致

散騎常侍劉滋諫曰

散悉亶翻騎奇寄翻

昔劉禪

有重山之險孫皓有長江之阻皆為晉擒

劉禪事見七十八卷魏元

帝景元四年孫浩事見七十九卷晉武帝太康元年重直龍翻

何則疆弱之勢異也今

吾弱於吳蜀而魏彊於晉不從其欲將有危亡之禍願

亟遣太子而修政事撫百姓收離散賑饑窮勸農桑省

賦役社稷猶庶幾可保燕王怒殺之辛亥魏主遣撫軍

大將軍永昌王健等伐燕收其禾稼徙民而還

還從宣翻又如

字

秋七月壬午魏主如美稷遂至隰城

隰城縣自漢以來屬西河

郡劉昉曰汾州西河縣漢美稷縣隋為隰城縣上命陽  
元元年更名西河蓋二縣合併于汾州西河縣矣

平王它督諸軍擊山胡白龍于西河

山胡即稽胡一日步落稽蓋匈奴別

種劉元海五部之苗裔也或云山戎赤狄之後自離  
石以西安定以東方七八百里居山谷間種落繁熾它

熙之子也

陽平王熙見一百十九卷武帝永初二年

魏主輕山胡日引數十

騎登山臨視之

騎寄翻

白龍伏壯士十餘處掩擊之魏主

墜馬幾為所擒

幾居希翻

內入行長代人陳建以身扞之入

行長魏官也蓋選勇力之士入直禁中行長則其部帥  
也魏書官氏志次南諸姓侯莫陳氏改為陳氏行戶剛

翻長知兩翻

大呼奮擊殺胡數人身被十餘創

呼火故翻被皮義翻魏

主乃免九月戊子大破胡衆斬白龍屠其城冬十月甲

午魏人破白龍餘黨于五原誅數千人以其妻子賜將

士十一月魏主還宮十二月甲辰復如雲中

復扶  
又翻

十二年春正月己未朔日有食之 辛酉大赦 辛未

上祀南郊 燕王數為魏所攻

數所  
角翻

遣使詣建康稱藩

奉貢癸酉詔封為燕王江南謂之黃龍國

以其都和龍  
也今北國以

和龍為  
黃龍府

甲申魏大赦改元太延 有老父投書於敦

煌東門

敦徒  
門翻

求之不獲書曰涼王三十年若七年河西



王收捷以問奉常張慎對曰昔號之將亡神降于莘

左傳

莊公三十二年有神降于莘號公使祝應宗區史囂享焉神賜之土田史囂曰號其亡乎吾聞之國將興聽於民將亡聽于神神聰明正直而壹者也依人而行號多涼德其何土之能得後七年晉滅虢捷居言翻號古百

翻

願陛下崇德脩政以享三十年之祚若盤于遊田荒

于酒色臣恐七年將有大變收捷不悅

史言涼之將亡

二月

丁未魏主還宮

三月癸亥燕王遣大將湯燭入貢於

魏

將即亮翻

辭以太子王仁有疾故未之遣

領軍將軍劉

湛與僕射殷景仁素善湛之入也景仁實引之

見上

湛

既至以景仁位遇本不踰已而一旦居前意甚憤憤俱

被時遇以景仁專管內任謂為間已

被皮義翻  
間古莧翻

猜隙漸

生知帝信仗景仁不可移奪時司徒義康專秉朝權

朝直

遙翻  
下同

湛嘗為義康上佐

見一百十九卷  
武帝永初元年

遂委心自結欲

因宰相之力以回上意傾黜景仁獨當時務夏四月已

巳帝加景仁中書令中護軍即家為府湛加太子詹事

湛愈憤怒使義康毀景仁于帝帝遇之益隆景仁對親

舊歎曰引之令入入便噬人乃稱疾解職表疏累上

上時

掌帝不許使停家養病湛議遣人若劫盜者於外殺之

以為帝雖知當有以解之不能傷義康至親之愛帝微

聞之遷護軍府于西掖門外使近宮禁

近其  
斬翻

故湛謀不

行義康僚屬及諸附麗湛者潛相約勒無敢厯殷氏之

門彭城王主簿沛郡劉敬文父成未悟其機詣景仁求

郡敬文遽往謝湛曰老父悖老遂就殷鐵干祿

鐵景仁  
小字也

悖蒲  
內翻由敬文闇淺上負生成闔門慙懼無地自處

史言  
劉湛

怙權時輩諂事  
之處昌呂翻唯後將軍司馬庾炳之遊二人之間皆

得其歡心而密輸忠於朝廷景仁卧家不朝謁帝常使

炳之銜命往來湛不疑也

為後廢義康誅湛張本

炳之登之之弟

也

庚登之見一百二十卷元嘉三年

燕王遣右衛將軍孫德來乞師

五月庚申魏主進宜都公穆壽爵為王汝陰公長孫

道生為上黨王宜城公奚斤為恒農王

奚斤先封宜城王以罪降為公

魏顯祖諱弘乃改弘農為恒農史以後來郡名書之長知兩翻恒戶登翻

廣陵公樓伏連為

廣陵王加壽征東大將軍壽辭曰臣祖父崇所以得効

功前朝流福於後者由梁眷之忠也

事見一百六卷晉孝武太元十年

今眷元勲未錄而臣獨奕世受賞心實愧之魏主悅求

眷後得其孫賜爵郡公壽觀之子也

穆觀見一百十九卷武帝永初三年

龜茲疏勒烏孫悅般渴槃陀鄯善焉耆車師粟特九

國入貢于魏

龜茲疏勒烏孫鄯善焉耆車師漢時舊國也悅般國在烏孫西北去代一萬九百三

十里其先北匈奴之部落為竇憲所破北單于度金微山西北走康居其羸弱不能去住龜茲北地為悅般國涼州人猶謂之單于王渴槃陀國在蔥嶺東朱駒波西粟特當從魏書隋書作粟特國在蔥嶺之西當康居西北去代一萬六千里漢之奄蔡國也龜茲音丘慈般釋典音鉢槃薄官翻陀徒河翻鄯上扇翻考異曰後魏書皆作烏耆云漢時舊國也按漢書作焉耆今從之

魏主以漢世雖通西域有

求則卑辭而來無求則驕慢不服蓋自知去中國絕遠大兵不能至故也今報使往來徒為勞費終無所益欲

不遣使

使疏吏翻下同

有司固請以為九國不憚險遠慕義入

貢不宜拒絕以抑將來乃遣使者王恩生等二十輩使

西域恩生等始度流沙為柔然所執恩生見敕連可汗

可從列入聲汗音寒

持魏節不屈魏主聞之切責敕連敕連乃遣

恩生等還竟不能達西域 甲戌魏主如雲中 六月

甲午魏主以時和年豐嘉瑞沓臻詔大酺五日

酺音蒲

徧

祭百神用答天貺 丙午高句麗王璉遣使入貢于魏

句如字又音駒麗力知翻璉力展翻

且請國諱魏主使錄帝系及諱以與

之拜璉都督遼海諸軍事征東將軍遼東郡公高句麗

王璉釗之曾孫也

高句麗王釗為燕所破見八十七卷晉成帝咸康八年

戊申魏

主命驃騎大將軍樂平王丕

驃匹妙翻騎奇寄翻樂音洛

鎮東大將

軍徒河屈垣等帥騎四萬伐燕

魏書官氏志內入諸姓尸突氏為屈氏

揚州諸郡大水已酉運徐豫南充穀以賑之

賑津悉翻

揚州

西曹主簿沈亮建議以為酒糜穀而不足療饑

自晉以來公府

分東西曹各有掾屬主簿

請權禁止詔從之亮林子之子也

沈林子隨武帝

征伐有功

秋七月魏主畋于柶陽

柶陽北出即光祿塞漢五原之北邊也師古曰

柶音固

己卯魏樂平王丕等至和龍燕王以牛酒犒軍

犒苦到翻

獻甲三千屈垣責其不送侍子掠男女六千口而

還

八月丙戌魏主如河西九月甲戌還官

魏左僕

射河間公安原恃寵驕恣或告原謀為逆冬十月癸卯

原坐族誅

甲辰魏主如定州十一月乙丑如冀州已

巳畋于廣川丙子如鄴

魏人數伐燕

數所角翻

燕日危慮



上下憂懼太常楊崕復勸燕王速遣太子入侍

崕音此復扶又

翻

燕王曰吾未忍為此若事急且東依高麗以圖後舉

崕曰魏舉天下以擊一隅理無不克高麗無信始雖相

親終恐為變燕王不聽密遣尚書陽伊請迎於高麗

燕為

王為高麗所殺張本麗力知翻

丹陽尹蕭摹之上言佛化被于中國

已歷四代

四代漢魏晉宋也被皮義翻

形像塔寺所在千數自頃以

來情敬浮末不以精誠為至更以奢競為重材竹銅綵

糜損無極無關神祇有累人事

累力瑞翻

不為之防流遁未

息請自今欲鑄銅像及造塔寺者皆當列言須報乃得

為之詔從之摹之思詔從叔也

從才用翻

魏秦州刺史薛

謹擊吐沒骨滅之

楊難當釋楊保宗之囚

囚保宗事見上九年

使鎮董亭

水經註谷水出上邽東南注谷之山東北歷亭下楊難當使兄子保宗鎮董亭即是亭

也董董字相近考異曰後魏

書作董亭宋書作董今從之

資治通鑑卷一百二十二